

Тарихда ёзилишича ва биз шу кунга қадар ишониб келган маълумотларга кўра, Россиянинг энг сўнгги подшоси Николай II ва ўша даврнинг сарой маликалари бўлмиш буюк княгинялар - шохнинг хотини ва кизлари 1918 йилнинг июлида болшевиклар ҳукумати томонидан отиб ташланган эди. Аммо буни қарангки, буларнинг барчаси уйдирмага ўхшаб қолди.

Маълум бўлишича, Россиянинг сўнгги ҳукмдори яқин йилларга қадар ҳам Серпухово яқинидаги 17-ўта махфий объектда яшаб келган. Бундан ташқари, ҳукмдорнинг кизи, улуг княгиня Олганинг ўлиmidан сўнг дафн этилиш сирини эса Ватикан узок йиллар махфий сақлаган.

Гап шундаки, Дания Киrolлигидаги Петропавловск ибодатхонасидан Александр учинчининг хотини, яъни Николай II нинг онаси бўлмиш императритса Мария Фёдоровнанинг хоки кўчирилиб, қайта дафн этилади. Бу норасмий маросим 1998 йилда ўтказилиб, айнан Николай II ва унинг оила аъзоларининг қайта дафн этилиш вақтига тўғри келади. Лекин шунга қарамай, ҳамон кўп нарсалар махфумлигича қолиб келмоқда. Уларнинг энг мухими эса қуйидагича : хақиқатан ҳам сўнгги рус подшоси илгариги салафдошлари билан айнан шу улуг ибодатхонага дафн этилганмиди? Матбуотда бу мавзу жуда кўплаб бир-бирига зид бўлган маълумотлар берилгани, илмий тадқиқотлар ўтказилганига қарамай, ҳамон бир хулосага келинганича йўқ.

Аммо бу воқеаларга доир «Мир новостей» газетасига парижлик фоторепортёр, 70-йилларда СССРдан мухожир бўлиб кетган Владимир Сичевнинг берган интервьюсидаги тахмин ва гумонлар шундан далолат берадики, буюк княгинялардан бири Олга Николаевна 1976 йилга қадар Ватикан раҳнамолигида яшаб келган. Бу эса Колчак топширигига кўра подшо оиласининг аъзоларини битта қолдирмай кириб ташлаш тўғрисидаги буйругининг бажарилиши натижалари тўғрисида янги тахминларни юзага келтиради.

- 1970 йилнинг охирида мен тақдир тақозоси билан Россиядан Гарбга кетиб қолдим. Айна пайтда Парижда истикомат қиламан. СИПА агентлигида фаолият кўрсатмоқдаман, - деб ўзини таништирган Владимир Сичев қуйидагиларни хикоя қилиб берди:

- 1983 йилнинг ноябрида мен Венетсияга хизмат сафари билан боргандим. Бу ерда йирик давлатларнинг бошлиқлари учрашиши керак эди. Ушбу саммитда бир италян журналисти билан танишиб қолдим. Менинг ўзига ҳамкасаба эканлигим ва айниқса руслигимни билгач, у қўлимга бир газета тутқазди. Унда Николай II нинг отиб ўлдирилишдан қандай сақлаб қолиниши тўғрисида мақола чоп этилганди. Мазкур мақолада Швейтсариянинг хусусий клиникаларидан бирида бутун католик дунёсининг диний хамшираси Паскалинанинг вафот этгани, бу роҳиба Пия XII (1939-1958й.) папалиги даврида муҳим бир вазифада ишлагани ва энг асосий қарорларни қабул қилишда папага қучли таъсир кўрсата олиши билан машхур бўлган. Католик мазҳабининг маркази бўлмиш бу юртда уни «Ватиканнинг темир хоними» деб

аташарди. Шундай килиб, Паскалина она ўлимидан олдин ёнига адвокат ва гувоҳларни чакиртириб, ўзининг умри давомида шохиди бўлган бир сирни кабрига олиб кетишни истамаслигини билдирган. У Италия шимолида жойлашган Маркотти кишлоги якинида дафн қилинган номаълум аёлнинг майити аслида рус подшоси Николайнинг кизи Олганики эканлиги ва у асло 1918 йилнинг 16 чидан 17 июлига ўтар кечаси болшевиклар томонидан отиб ўлдирилмагани тўғрисида гапириб бергани тўғрисида сўз борарди. Шунда В.Сичев италян журналистидан у билан бирга ўша кишлокка бирга боришни, бу кабрнинг мавжудлигини ўз кўзлари билан кўриб ишонч хосил қилиши кераклигини сўраб, туриб олади. Тўрт соатлик йўлдан кейин улар кишлокка етиб келишади. Махаллий гўрков уларни ҳеч қандай иккиланишсиз бир кабрга бошлаб боради. Дарҳақиқат, кабртошда «Олга Николаевна, рус подшоси Николай II Романовнинг катта кизи, (1895-1976 йиллар)» деган битик бор эди. Кабртошда мархуманинг фамилияси қайд этилмаган бўлиб, бу унинг шунча вақт бошқа ном остида яшаганидан далолат берарди.

- Бунинг бари мен учун ниҳоятда қутилмаган янгилик эди, - хикоясида давом этади Владимир Сичев, - ва шу сабаб ҳамон хаяжонимни босолмай, таржимон ёрдамида кабрстон қоровулидан бу аёл кишлокда қачондан бери яшай бошлаганини сурадим.

- У бу ерга 1948 йилда, урушдан кейин қўчиб келганди, - деди ишонч билан қоровул.

- Бу ерда яшаб юрган вақтида у ўзи тўғрисида бирор бир маълумотлар берганмиди?

- Албатта, Олга қелиши билан бу ердагиларга ўзининг сўнгги рус шохининг кизи эканлигини айтганди.

- Унинг бу гаплари матбуотга ҳам чиқармиди?

- Ҳа, чиқарди.

- Бу қутилмаган арзга бошқа Романовларнинг муносабати қандай бўлди?

- Улар аёлни судга беришди.

- Ва ҳар сафар суд жараёнида ютқазармиди?

- Ҳа, шундай.

- Унда, - деб овоз чиқариб мулоҳаза юрита бошладим мен, - бу аёл голиб келган тарафнинг адвокатларининг харажатларини тўлаши керак эди-ку. Бунга у пулни қаердан оларди? У бирор жойда ишлармиди?

- Йўқ, у ҳеч қаерда ишламасди.

- Унда бу харажатларни қим тўлаган?

Коровул хотиржам , шуни хам билмайсизми дегандек жавоб берди:

- Ахир кишлоктагиларнинг хаммаси унинг Ватикан хомийлигида эканлигидан хабардор эдилар.

Парижга кайтгач, В.Сичев мархумага тегишли бор хужжатларни титкилашга тушади. Ва махфий хужжатлардан хакикатдан хам шох оиласини ёппасига отиб ташлаш катли содир этилмаганини билиб олади.

«КАТЛ» НОМЛИ СПЕКТАКЛ

Бизга етиб келган маълумотларга кўра, ўз топширигининг кай даражада тоза бажарилганини аниклаб келиш учун ўша пайтларда адмирал Колчак кандайдир Наметкин деган кимсани шу ишни ўрганиш бўйича изкуварликка ёллади. Терговчи вазифасига тайинланган ва бу иш билан уч ой машгул бўлган Наметкиннинг фикрича, бу иш ўта жўн бўлиб, у куйидаги хулосага келади: хеч канаканги катл отишмаси содир этилмаган, шунчаки газот инстсенировкаси намойиш этилган холос.

Бундай хулоса Колчакни каноатлантирмайди ва Наметкиннинг берган ёзма ахборотини тортмага ташлаб кўйиб, бошка бир, Сергеёв фамилияли изкуварни ёллади. Айнан Сергеёв хакикатни охиригача очиши керак эди.

Худди ана шу ерда биз хозирги замон ўқувчиларига айрим нарсалар янада ойдин бўлиши учун бироз чекиниш килишимизга тўғри келади. Инчунун ўша даврдаги воқеаларга шохид бўлган руслар 1917 йилдаги мазкур воқеалар хакидаку яхши билишарди, аммо франтсузларнинг кинояли таъкидларига кўра шохни Ленин катл эттирган деб хисобланиб келинган. Вахоланки, ўша пайтда Ленин эндигина чет элдан, Германиядан кайтиб келган, шохни эса ок республикачилар горат килишганди. Эндиликда уларга тирик шохнинг хечам кераги йўк ва подшоҳ тўғрисидаги колган-кутган афсоналар эса шунчаки тўкиб-бичиб ташланган эди. Аслида эса хаммаси бошкача бўлган. Яъни изкувар Сергеёв уч ой мобайнида Колчакка куйидагиларни маълум килиб туради: «Мен профессионалман ва бу воқеаларнинг хаммасини тахлил килиб чикиш учун менга кўп вақтнинг кераги хам йўк. Шунинг учун таъкидлайманки, хеч канаканги катл содир этилмаган ва бу «хунрезлик» сахна кўриниши бўлган холос.» Аммо бу кўрсатмалардан хам каноатланмаган Колчак мазкур ишга ўз одами - юрист Николай Соколовни жалб этади. Соколов 1919 йил февралининг охиридан май ойининг сўнгигача бу иш билан шугулланади. Бирок кидирув ишларини яқунлашга улгуролмай қолади: сабаби кизиллар Екатеринбургни ишгол килгандилар. Ок армия билан бирга архив хужжатларини хам ўзи билан олганча чекинган Соколов Парижга келиб қолади ва ниҳоят 30-йилга келиб «Шох оиласининг катли» номли китобча чоп эттиради.

(Шу ерда аниклик киритиб ўтадиган бўлсак, Соколовнинг мазкур китоби аслида 1925 йилда чоп этилагн бўлиб, унинг муаллифи 1924 йилнинг 23 ноябрида «маълум бўлмаган сабабларга кўра» вафот этганди. Бу инсоннинг кўримсизгина кабрига дўстлари томонидан ўрнатилган лавхга эса куйидаги сўзлар зикр этилган: «Сенинг

Хакикатинг- Абадий Хакикат». Россияда бу китоб 1990 йилдагина «Советский писател» нашриёти томонидан чоп этилади.

Бундан ташкари, шуни таъкидлашим мумкинки, айнан ўша даврга келиб, Париждаги рус антиквар магазинларида Соколов тадқиқотларининг бирининг нусхасини сотиб олишни таклиф қилишди. Мазкур нусха қадимги машинкада терилган бўлиб, шохнинг ўлдирилган оила аъзоларининг суратлари, Коптягада ёндириб юборилган бу мурдаларни излаш схемалари, Соколов дастхатлари ва ўша пайтда бор-йўги бир нечагина нусхада бўлган ашёлардан иборат эди. Магазин хўжайини мазкур бебаҳо хужжатлар учун беш минг доллар сўради. Афсуски, ўша пайтда Парижда мен бу миқдордаги пулни топишнинг иложини қилолмадим. Бундай ноёб хужжатларнинг ўз баҳосига нисбатан бу қадар арзон бўлишининг сабаби шунда эдики, ашёвий хужжатлар тўплами ичида битта боб етишмасди.

- Шундай қилиб, ҳар иккала изкуварнинг хулосалари, - давом этади Сичев, - фавқулодда қутилмаган бир нарсани, яъни ҳеч қандай қатли ом бўлмаганини тасдиқлайди. Бундан ташкари, шу пайтгача ўлдирилганларнинг танаси топилмаган, демек мурдалар юк-ки, қатл ҳам бўлмаган. Бундан қелиб чиқадики, бутун бошли подшоҳ оиласи изсиз гойиб бўлганми?

Расмий тахминларнинг мантикка тўғри келмаслиги сабаби - оқлар Екатеринбургга сакқизинчи қуни қириб келгани маълум бўлади. Император поёзди ваҳима ва кўркув билан бу ердан чиқиб кетади. Ўлдирилганларнинг жасадлари юк машинасидаги иккита солдатга топширилади. Ўлкашунослик музейидаги маълумотларга кўра, бу хайдовчиларнинг машина бақида жами 78 литр бензин борлиги маълум бўлади. Бу ёнилги миқдори шу қадар кўпки, ҳас-хашаклар билан ёпилган мурданинг устига бир қарра учқун беришнинг ўзи бутун таналарнинг қулини қунпаяқун қилиши турган гап. Бундан ташкари, мурдаларни дафн этиш - бу уларни ўлдирганларнинг иши эмасми, буларга тақдирнинг ҳукмида номаълум қолдирилган иккита худобехабар аскарнинг нима алоқаси бор?

Шундай қилиб, Николай IIни 1998 йилда Романовлар билан эмас, унинг ёнидаги қардошлиқ қабристонига қайта дафн этдилар. Мазкур тантанада «Романовлар - императорлар оиласи» деган иборалар жарангламади. Бунда фақат улуг азобга қириқтор бўлганлар, айбсиз қатл этилганлар ҳақидагина сўз борди.

Яқинда эса Николай II ва унинг қавм-қариндошларининг майитидан қолган суяқларни экспертиза қилиш ишларида иштирок этган японияликлар бизнинг ўтказган текширувларимиз ҳатолиги, Петропавловскда дафн этилган суяқлар бошқа бировларники эканлигини таъқидлашди. Бунга қўшимча қилиб яна шуни айтиш мумкинки, дафн этилганлар орасида Анастасия ва Алексейнинг суяқлари йўқлигини ҳисобга оладиган бўлсак, шох оиласининг ёппасига отиб ўлдирилгани тўғрисидаги тахмин ҳеч қандай мантикка тўғри келмайди. Мутахассислар таъқидлашмоқдаки, бундай отишмадан омон қолиш умуман мумкин эмас. Бундан қелиб чиқадики, ёхуд Ипатевский ертўласида ўтказилган қатлда бу бахтиқароларнинг ҳаммаси битта қолмай қириб битирилган ёхуд умуман бу қатл содир

этилмаган .

Сичев бу вокеларни гапириб беришни якунлаганда, махфий 17-объектдан тортиб, Коншин реквизиитарига унинг компютерида шу мавзуда бирор бир маълумот топилмасмикин, деб кизикиб колади. Буни карангки, уч минутга колар-колмас, компютердан шундай жавоб олинади: Ха, Сталин икки бор Кремлни тарк этиб, зиёратга чиккан. Биринчи бор - чет эл ёзувчиси, яъни Жон Риднинг дачасига, иккинчи бор эса Оржоникидзенинг дачасига.

- Менимча эса, - дея шубхаланишда давом этади Сичев, - Сталиннинг Москвадан аллакандай чет эллик ёзувчини зиёрат килиш учун бориши ёхуд Оржоникидзеникига мехмондорчиликка киришига ишониш кийин. Ва шундан келиб чиқадики, агар шонинг катта кизи Олга 1976 йилда вафот этганини хисобга оладиган бўлсак, демак Россиянинг сўнги подшоси 30-йиллар охирида вафот этган ва Россиянинг гарбий худудларининг бирлаштирилиши рус императорининг ўзи билан бамаслаҳат холда амалга оширилган бўлиши ҳам мумкиндир. Бошқача килиб айтганда, мазкур кайта очилган далиллар қандайдир ақл бовар қилмас маънога эга. Хўш, Николай II аслида ким? Ким ўзи бу темир никобли одам?

Хамкасабаси билан бўлган янги учрашувида Париж репортёри унга Сталиннинг Коншинога қилган ташрифлари тўғрисида гапириб беради. Бунга жавобан у хаяжон билан куйидагиларни хикоя қилади: «1983 йилда биз хотиним билан худди ана шу именияга ташриф буюргандик. Мен худди банклардаги каби пўлат деворлару бураб очиладиган туткичли эшикларни хали -хали эслайман. Назарий нуктаи назардан хам, амалий жихатдан хам бу ерда шу нарса кўринардик, бундай темир бетон девор ортида исталган одам кўрикланиши мумкин эди. Дарвоқе, хозир, бир дақиқа, шошмай туринг, мен хотинимга бирров кўнгирик килиб боқайчи», деди у ва телефон рақамларини терди. У ёқдан гўшак олингач, сўради: «Ирина, эсингдами, биз 1983 йилда Коншинларнинг имениясига боргандик.У ерда хаммасидан хам кўра нималар сени лол қолдирганди?» Ва гўшакни менга узатади. Гўшакдан аёл кишининг «У ерда мени хаммасидан хам кўра кўпроқ хайратга солган нарса бу - Коншинлар кабрининг очиб ташлангани бўлганди» дегани эшитилди.

- Галати, шундай эмасми? - сўрайди менадан Сичев.

- Бунинг нимаси ажабланарли. Шунчаки гўрковлар иши ёки бирор хазина кидирувчининг ўзбошимчалигидир-да.

- Хечам бундай эмас! Аник тахмин шундан иборатки, 17-махфий объектнинг кабрисони, боз устига Сталиннинг бу ерга икки бор сирли тарзда келиб кетганини хам хисобга оладиган бўлсак, бу жой полковник Романовнинг хокини саклаган, яъни унинг кимнингдир нимадандир ниҳоятда хавотирланишига сабаб бўлган суякларини! Ва афсуски бу хавотир хали ҳамон йўқолмаган кўринади.

Дилфуза таржимаси

